

# Shapaanish

Ass Wikipedia.

She çengey Aishanagh ee **Shapaanish** (日本語 *Nihongo*<sup>?</sup>), as t'ee goll er loayrt 'sy Çhapaan ec 130 millioon dy 'leih, chammah's ayns sheshaghtyn arragher magh. She çengey gleiynaghey t'ayn, as ish towshit rere mora. Ta corys arrym crampit eck.

Ta tree coryssyn screeuee eck: kanji, lesh karracteyryn goit ass Hànzì Sheenagh; kana (hiragana as katakana), daa chorys screeuee sheelaghtagh; as ny keayrtyn, rōmaji, as shen jannoo ymmyd jeh'n abbyrlhit Romanagh son dy screeu Shapaanish. Ta earrooyn Arabagh chammah's earrooyn Sheenagh-Shapaanagh ry-akin.

Va cummaght er fockle-hasht Hapaanish ec Sheenish rish 1 500 bleeantyn er y chooid sloo, as myr shen shimme y fockle t'er ny eeasaghey jee. Neayr's anmagh sy 1900 eash ta cummaght hengaghyn Ind-Oarpagh er ve urree myrgeddin, ec Baarle er l'eh, agh er coontey kianglaghyn dellal ayns ny 1600 as eashynyn, ec Portiugish as Ollanish myrgeddin.

## Rheam ny Shapaanish

Ga dy vel Shapaanish currit da'n Çhapaan son y chooid smoo, v'ee goll er loayrt ayns buill elley traaghyn dy row, as t'ee ry-chlastyn foast ayns kuse jeu. Tra va Impiraght ny Shapaan gurneil y Chorea, y Taiwaan, rheynn jeh çheer vooar ny Sheen, ny h-Ellanyn Philippeenagh as ellanyn elley, roish as car y Nah Chaggey Dowanagh, v'ad cur er ny cummaltee ynsaghey Shapaanish.

## Stayd oikoil

Ta Shapaanish ny çengey oikoil 'sy Çhapaan as ayns yn ellan Angaur ayns Palau. She *hyōjungo* (標準語<sup>?</sup>) ny *kyōtsūgo* (共通語<sup>?</sup>) eh y cummey cadjin eck. Haink rish y cummey shoh ny lurg y Aachroo Meiji (明治維新 *meiji ishin*<sup>?</sup>) ayns 1868, rere abbyrt Yamanote, as shen ard ooasle ayns Tokyo. Ta'n cummey shoh goll er ynsaghey ayns scoillyn, as t'ee ry-chlastyn er y çhellveeishan as ayns çhaghteraghtyn oikoil. Ta'n art shoh loayrt er *Hyōjungo* mannagh vel note elley ayn.

Keayrt dy row, va anchaslys eddyr Shapaanish screeut (文語 *bungo*<sup>?</sup>, "glare focklymagh ") as glare y theay (口語 *kōgo*<sup>?</sup>). Ta coryssyn grammeydagh er l'eh ec y daa as anchaslyssyn 'sy tasht-fockle. Derrey mysh 1900, v'ad screeu Shapaanish liorish *Bungo*, agh neayr's shen ta *kōgo* er l'heeadaghey y chummaght eck.

	<b>Shapaanish</b> 日本語 <i>Nihongo</i>
<b>Fockley magh</b>	[nihongo]
<b>Goll er loayrt ayns</b>	Yn Çhapaan
<b>Earroo loayreyderyn</b>	130 millioon <sup>[1][2]</sup>
<b>Rhenk</b>	9
<b>Kynney çengey</b>	Shapaanagh <ul style="list-style-type: none"><li>Shapaanish</li></ul>
<b>Corys screeuee</b>	Kanji, <u>Hiragana</u> , <u>Katakana</u> , <u>Rōmaji</u>
	<b>Staydys oikoil</b>
<b>Çengey oikoil ayns</b>	<div><div><div><div><span></span></div></div><div><div><span></span></div></div></div><div><div>Y Çhapaan</div><div>Palau</div></div></div>
<b>Fo stiurey ec</b>	
	<b>Coadyn çengey</b>
<b>ISO 639-1</b>	ja
<b>ISO 639-2</b>	jpn
<b>ISO 639-3</b>	jpn ( <a href="http://www.ethnologue.com/show_language.asp?code=jpn">http://www.ethnologue.com/show_language.asp?code=jpn</a> )
<b>Nodyn:</b> Foddee vel cowraghyn sheeanagh <u>ASE</u> ayns <u>Unicode</u> er yn duillag shoh.	

Neayr's ny 1940yn, she *kōgo* t'ad screeu, agh ta scansh ec *Bungo* foast bentyn rish shennaghys, lettyraght as shiartanse dy shenn leighyn. Son y chooid smoo rish foddey, she *Kōgo* t'ad loayrt as screeu jiu, agh ny keayrtyn t'ad jannoo ymmyd jeh grammeydys ny focklyn *bungo* er son bree ennagh.

## Imraaghyn

---

1. Japanese (<https://www.nvtc.gov/lotw/months/march/Japanese.html>). Languages of the World. Feddynit er 2008-02-29.
2. Japanese Language (<http://web.mit.edu/jpnet/articles/JapaneseLanguage.html>). MIT. Feddynit er 2009-05-13.



She bun ta'n art shoh. Cur rish (<https://gv.wikipedia.org/w/index.php?title=Shapaanish&action=edit>), son foays y yannoo da Wikipedia.

---

Feddynit ass "<https://gv.wikipedia.org/w/index.php?title=Shapaanish&oldid=290814>"

---

**Hie yn duillag shoh er ny reaghey er 29 Luanistyn 2013, ec 01:18.**

Text is available under the Creative Commons Attribution-ShareAlike License; additional terms may apply. See Terms of Use for details.